



ქალაქ თბილისის მუნიციპალიტეტის საკრებულოს  
იურიდიულ საკითხთა და ადამიანის უფლებათა დაცვის კომისიის  
სხდომის ოქმი  
N4

2025 წელი; 16 დეკემბერი; 13:00 სთ;

ქ. თბილისი  
თავისუფლების მოედანი N2

სხდომას ესწრებოდნენ:

იურიდიულ საკითხთა და ადამიანის უფლებათა დაცვის კომისიის წევრები:

ნინო ვარდოსანიძე (თავმჯდომარე)  
ნიკოლოზ კახეთელიძე  
ავთანდილ ცინცაძე  
ალექსანდრე ასათიანი  
ზურაბ ჩიკვილაძე  
კახაბერ ლაბუჩიძე  
გიორგი გვენეტაძე

ქალაქ თბილისის მუნიციპალიტეტის საკრებულოს წევრი:

ნიკოლოზი ჭუჭულაშვილი

სხდომის თავმჯდომარე:

ნინო ვარდოსანიძე  
იურიდიულ საკითხთა და ადამიანის უფლებათა დაცვის  
კომისიის თავმჯდომარე



## დღის წესრიგი

1. ქალაქ თბილისის მუნიციპალიტეტის საკრებულოს კომისიათა პერსონალური შემადგენლობის ცვლილების თაობაზე საკითხი.

სხდომის თავმჯდომარემ სხდომა გახსნილად გამოაცხადა და დამსწრე წევრებს დასამტკიცებლად წარუდგინა იურიდიულ საკითხთა და ადამიანის უფლებათა დაცვის კომისიის სხდომის დღის წესრიგის პროექტი.

იურიდიულ საკითხთა და ადამიანის უფლებათა დაცვის კომისიის მიერ ერთხმად იქნა დამტკიცებული სხდომის დღის წესრიგი.



**მოისმინეს:**

**1. იურიდიულ საკითხთა და ადამიანის უფლებათა დაცვის კომისიის თავმჯდომარემ ნინო ვარდოსანიძემ** კომისიის სხდომაზე დამსწრე წევრებს გააცნო კომისიის სხდომის დღის წესრიგით განსაზღვრული, ქალაქ თბილისის მუნიციპალიტეტის საკრებულოს კომისიათა პერსონალური შემადგენლობის ცვლილების თაობაზე საკითხი.

**როგორც კომისიის თავმჯდომარემ აღნიშნა,** მ/წლის 26 ნოემბერს, ქალაქ თბილისის მუნიციპალიტეტის საკრებულოში, საქართველოს ცენტრალური საარჩევნო კომისიის თავმჯდომარის მიერ წარმოდგენილ იქნა წერილობითი კორესპონდენცია (№01-01/1331; საკრებულოში რეგისტრაციის ნომერი: 06-032533022-03), რომლის თანახმად, ქალაქ თბილისის მუნიციპალიტეტის საკრებულოს ეცნობა შემდეგი საკითხის თაობაზე:

- ქ. თბილისის მუნიციპალიტეტის საკრებულოს პროპორციული საარჩევნო სისტემით არჩეული წევრის - ლუკა ძამაძიას უფლებამოსილების ვადამდე შეწყვეტის თაობაზე, ქალაქ თბილისის მუნიციპალიტეტის საკრებულოს თავმჯდომარის 2025 წლის 24 ნოემბრის №03-032532833 წერილის (ცესკოში რეგისტრაციის №3406) საფუძველზე, **ცენტრალურმა საარჩევნო კომისიამ განახორციელა საქართველოს ორგანული კანონის „საქართველოს საარჩევნო კოდექსი“ 164-ე მუხლით გათვალისწინებული პროცედურები.**
- შესაბამისად, წარმოდგენილ იქნა „ქალაქ თბილისის მუნიციპალიტეტის საკრებულოს გამოკლებული წევრის ნაცვლად მისი ადგილმონაცვლის ცნობის შესახებ“ **საქართველოს ცენტრალური საარჩევნო კომისიის თავმჯდომარის 2025 წლის 25 ნოემბრის №87/2025 განკარგულება თანდართული დოკუმენტაციით.**
- საქართველოს ცენტრალური საარჩევნო კომისიის თავმჯდომარის 2025 წლის 25 ნოემბრის №87/2025 განკარგულების პირველი მუხლის თანახმად, ცნობილ იქნა ქალაქ თბილისის მუნიციპალიტეტის საკრებულოში საარჩევნო სუბიექტის „ქართული ოცნება - დემოკრატიული საქართველო“ პარტიული სიით არჩეული ქალაქ თბილისის მუნიციპალიტეტის საკრებულოს გამოკლებული წევრის ლუკა ძამაძიას (პარტიულ სიაში №18) ადგილმონაცვლედ ამავე საარჩევნო სუბიექტის პარტიული სიით საკრებულოს წევრობის კანდიდატი **ნიკოლოზი ჭუჭულაშვილი (პარტიულ სიაში №47).**

**მომხსენებლის მითითებით,** ზემოხსენებული ღონისძიების გათვალისწინებით, **მ/წლის 9 დეკემბრიდან,** „ქალაქ თბილისის მუნიციპალიტეტის საკრებულოს გამოკლებული წევრის ნაცვლად მისი ადგილმონაცვლის ცნობის შესახებ“ საქართველოს ცენტრალური საარჩევნო კომისიის თავმჯდომარის 2025 წლის 25 ნოემბრის №87/2025 განკარგულების საფუძველზე, **დაიწყო ნიკოლოზი ჭუჭულაშვილის, როგორც ქალაქ თბილისის მუნიციპალიტეტის საკრებულოს წევრის უფლებამოსილება.**

**კომისიის თავმჯდომარის განმარტებით,** მ/წლის 12 დეკემბერს, ფრაქციის „ქართული ოცნება - დემოკრატიული საქართველო“ თავმჯდომარის ზურაბ ჩიკვილაძის მიერ ქალაქ თბილისის მუნიციპალიტეტის საკრებულოს და იურიდიულ საკითხთა და ადამიანის უფლებათა დაცვის კომისიას წარედგინა წერილობითი კორესპონდენცია (№03-032534642) და მასზე თანდართული ფრაქციის სხდომის ოქმი №8, რომელთა თანახმად, ქალაქ თბილისის მუნიციპალიტეტის



საკრებულოს იურიდიულ საკითხთა და ადამიანის უფლებათა დაცვის კომისიას, ეცნობა შემდეგი სახის ღონისძიებები:

2025 წლის 12 დეკემბერს, გაიმართა ფრაქციის „ქართული ოცნება - დემოკრატიული საქართველო“ სხდომა, რომლის ფარგლებშიც, აღნიშნული ფრაქციის წევრებმა ერთხმად დაუჭირეს მხარი შემდეგ საკითხებს:

- ნიკოლოზი ჭუჭულაშვილის ფრაქციაში „ქართული ოცნება - დემოკრატიული საქართველო“ გაწევრებას;
- ნიკოლოზი ჭუჭულაშვილის ქალაქ თბილისის მუნიციპალიტეტის საკრებულოს სახელდებისა და სიმბოლიკის კომისიაში გაწევრებას;
- ნიკოლოზი ჭუჭულაშვილის ქალაქ თბილისის მუნიციპალიტეტის საკრებულოს ეკონომიკური განვითარების, საინვესტიციო პოლიტიკისა და საერთაშორისო ურთიერთობების კომისიაში გაწევრებას.

კომისიის თავმჯდომარემ ასევე ისაუბრა საქართველოს ორგანული კანონით „ადგილობრივი თვითმმართველობის კოდექსი“ და „ქალაქ თბილისის მუნიციპალიტეტის საკრებულოს რეგლამენტის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 19 ივლისის N2-1 დადგენილებით დამტკიცებული რეგლამენტით განსაზღვრული შემდეგი პროცედურული ღონისძიებების შესახებ:

- საქართველოს ორგანული კანონის „ადგილობრივი თვითმმართველობის კოდექსი“ 24-ე მუხლის პირველი ნაწილის „ბ.დ“ ქვეპუნქტის თანახმად, მუნიციპალიტეტის საკრებულოს უფლებამოსილებას განეკუთვნება მუნიციპალიტეტის საკრებულოს კომისიის შექმნა; კომისიის თავმჯდომარის არჩევა და თანამდებობიდან გადაყენება; ახალარჩეული მუნიციპალიტეტის საკრებულოს პირველ სხდომაზე მუნიციპალიტეტის საკრებულოს კომისიის წევრთა რაოდენობისა და პროპორციული წარმომადგენლობის კვოტების განსაზღვრა და დამტკიცება, კომისიის შემადგენლობის ცნობად მიღება; კომისიის დებულების დამტკიცება.
- ამავე ორგანული კანონის 28-ე მუხლის მე-2 პუნქტის თანახმად, მუნიციპალიტეტის საკრებულოს კომისიის შემადგენლობა განისაზღვრება მუნიციპალიტეტის საკრებულოს ფრაქციათა წარმომადგენლობისა და მუნიციპალიტეტის საკრებულოს იმ წევრთა რაოდენობის პროპორციულად, რომლებიც გაერთიანებული არ არიან არცერთ ფრაქციაში. მუნიციპალიტეტის საკრებულოს კომისიის წევრთა რაოდენობასა და პროპორციული წარმომადგენლობის კვოტებს განსაზღვრავს მუნიციპალიტეტის საკრებულოს იურიდიულ საკითხთა კომისია ან შესაბამისი კომპეტენციის მქონე კომისია მუნიციპალიტეტის საკრებულოს რეგლამენტით დადგენილი წესით და ამტკიცებს მუნიციპალიტეტის საკრებულოს ბიურო.
- ხოლო, 28-ე მუხლის 2<sup>2</sup> პუნქტის თანახმად, მუნიციპალიტეტის საკრებულოს კომისიაში წევრის წარდგენის შესახებ მუნიციპალიტეტის საკრებულოს ფრაქციის გადაწყვეტილება ეცნობება მუნიციპალიტეტის საკრებულოს იურიდიულ საკითხთა კომისიას ან შესაბამისი კომპეტენციის მქონე კომისიას (მუნიციპალიტეტის საკრებულოს) და მუნიციპალიტეტის საკრებულოს ბიუროს. იურიდიულ საკითხთა კომისია ან შესაბამისი კომპეტენციის მქონე კომისია (მუნიციპალიტეტის საკრებულო) ამოწმებს ფრაქციის მიერ კომისიაში წევრის წარდგენის სისწორეს და საჭიროების შემთხვევაში ახდენს სათანადო რეაგირებას. ფრაქციის მიერ კომისიაში წარდგენილი წევრი კომისიაში დანიშნულად მიიჩნევა



აღნიშნული ფაქტის მუნიციპალიტეტის საკრებულოს ბიუროს (მუნიციპალიტეტის საკრებულოს) მიერ ცნობად მიღების მომენტიდან.

- „ქალაქ თბილისის მუნიციპალიტეტის საკრებულოს რეგლამენტის დამტკიცების შესახებ“ ქალაქ თბილისის მუნიციპალიტეტის საკრებულოს 2014 წლის 19 ივლისის N2-1 დადგენილებით დამტკიცებული რეგლამენტის 49-ე მუხლის მე-2 პუნქტის „ზ“ ქვეპუნქტის თანახმად, საკრებულოს ბიურო უფლებამოსილია ცნობად მიიღოს საკრებულოს კომისიის შემადგენლობაში შეტანილი ცვლილებები.

გადაწყვეტეს:

იურიდიულ საკითხთა და ადამიანის უფლებათა დაცვის კომისიის სხდომაზე დამსწრე წევრებმა დაადგინეს, რომ დაცულია საკრებულოს ფრაქციის მიერ კომისიის წევრის წარდგენის წესი და წარმოდგენილი ცვლილება შეესაბამება ქალაქ თბილისის მუნიციპალიტეტის საკრებულოს მიერ დამტკიცებულ კომისიის წევრთა რაოდენობისა და პროპორციული წარმომადგენლობის კვოტებს.

ყოველივე ზემოაღნიშნულიდან გამომდინარე, კომისია დანართის სახით წარმოადგენს, ზემოაღნიშნული ცვლილების გათვალისწინებით, ქალაქ თბილისის მუნიციპალიტეტის საკრებულოს კომისიათა პერსონალურ შემადგენლობას, რომელიც ცნობის სახით უნდა მიიღოს ამავე საკრებულოს ბიურომ.

იურიდიულ საკითხთა და ადამიანის უფლებათა დაცვის კომისიის სხდომის დღის წესრიგით გათვალისწინებული საკითხის განხილვის შემდეგ, სხდომის თავმჯდომარემ სხდომა დახურულად გამოაცხადა.

სხდომის თავმჯდომარე

*ნ. ჯანაშია*

ნინო ვარდოსანიძე

სხდომის მდივანი

*ნ. ჯანაშია*

ნინო დანელიშვილი